



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKI NAČELNIK**

Broj: 02-11-3-304-12/20

Datum: 13.03.2020.godine

Na osnovu člana 70. stav 1. a u vezi sa članom 64. stav 1. tačka b) Zakona o javnim nabavkama Bosne i Hercegovine ("Službeni glasnik BiH", broj: 39/14) i Zapisnika o pregledu i ocjeni ponuda od 13.03.2020.godine, sačinjenog od strane Komisije za nabavke imenovane rješenjem Općinskog načelnika, Općinski načelnik, donosi:

**ODLUKU**

o izboru najpovoljnijeg ponuđača

I

Najpovoljnija ponuda za radove u predmetu nabavke "Održavanje i sanacija priključaka, propusta i putnih kanala" po cijeni od 61.980,00 KM bez PDV-a (slovima: šestdesetjednehiljadedevedestotinaosamdeset i 00/100 konvertibilnih maraka), odnosno sa PDV-om po cijeni od 72.516,60KM (slovima: sedamdesetdvijehiljadepetstotinašesnaest i 60/100 konvertibilnih maraka) je ponuda GEO PUT doo Maglaj.

II

Ponuda je dostavljena u otvorenom postupku javne nabavke koji je objavljen na Portalu javnih nabavki dana 12.02.2020.godine pod brojem: 375-1-3-47-3-9/20, kriterij za dodjelu ugovora je najniža cijena.

III

Obavezuje se izabrani ponuđač (ako nije dostavio uz ponudu) da u roku od 5 dana od dana prijema ove Odluke dostavi ugovornom organu potrebnu dokumentaciju kojom dokazuju svoju ličnu, ekonomsku i finansijsku sposobnost na način i u formi koja je propisana tenderskom dokumentacijom.

IV

Ponuda ponuđača BETON-KOP Odžak, odbacuje se kao formalno neispravna.

V

Za realizaciju Odluke zadužuju se Služba za finansije, privredu, komunalne i inspeksijske poslove općine Tešanj.

VI

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama.

VII

Ova odluka objavit će se na web-stranici Općine Tešanj [www.opcina-tesanj.ba](http://www.opcina-tesanj.ba), shodno članu 70. stav 6. Zakona o javnim nabavkama.

**O b r a z l o ž e n j e**

Postupak javne nabavke za radove "Održavanje i sanacija priključaka, propusta i putnih kanala" pokrenut je Odlukom o pokretanju postupka broj:02- 11-3-304-2/20 od 11.02.2020.godine. Odabran je otvoreni postupak javne nabavke, koji je objavljen na Portalu javnih nabavki dana 12.02.2020.godine pod brojem: 375-1-3-47-3-9/20, procijenjena vrijednost javne nabavke bez PDV-a je 62.000,00KM a kriterij za dodjelu ugovora je najniža cijena.

U ostavljenom roku za dostavu ponuda pristigle su 4 (četiri) ponude i to: ponuda GEO PUT doo Maglaj, ponuda TRANS-KOP doo Tešanj, ponuda KM GRADNJA doo Tešanj i ponuda BETON-KOP Odžak.

Komisija za javne nabavke imenovana rješenjem Općinskog Načelnika broj:02-11-3-304-4/20 od 26.02.2020.godine izvršila je dana 06.03.2020.godina javno otvaranje ponuda o čemu je sačinila Zapisnik sa otvaranja ponuda i isti prosljedila svim ponuđačima.

Komisija je na zatvorenoj sjednici izvršila provjeru formalne ispravnosti sadržaja pristiglih ponuda, te ustanovila da su 3 (tri) ponude formalno ispravne (sadržajno kompletne i ispravnog sadržaja) i da se kao takve mogu ocjenjivati u skladu sa zahtjevom za dostavu ponuda.

Kako je tačkom 5.1. Tenderske dokumentacije predviđeno je da će se u ovom postupku dodjele ugovora primjenit E-aukcija za ponuđače koji su podnijeli prihvatljive ponude, to je ugovorni organ zakazao E-aukciju za dan 12.03.2020.godine od 10:00 sati sa vremenskim trajanjem od 10 (deset) minuta.

Iz Izvještaja o toku i završetku E-aukcije od 12.03.2020.godine vidljivo je da GEO PUT doo Maglaj zauzima prvo mjesto na Konačnoj listi ponuđača koji su učestvovali u E-aukciji. Komisija je izvršila rangiranje prihvatljivih ponuda prema kriteriju za izbor ponuda (najniža cijena ekonomski prihvatljive ponude) te sačinila konačnu listu ponuda, rangiranu po cijeni ponuda i utvrdila da su za radove predmetne nabavke najpovoljniji ponuđači kako slijedi:

1. GEO PUT doo Maglaj
2. TRANS-KOP doo Tešanj
3. KM GRADNJA doo Tešanj

Komisija je kod ocjene ponuda takođe utvrdila da:

Ponuda ponuđača BETON-KOP Odžak nije formalno ispravna jer - ista nije dostavljena na način kako je to propisano tačkom 15. tenderske dokumentacije, naime original i kopija ponude je dostavljena u jednoj koverti bez da su zapakovane odvojeno kako je to propisano tačkom 15. tenderske dokumentacije koja kaže, "Ponude se dostavljaju u dva primjerka na kojima se naznačava "ORIGINAL" i "KOPIJA" ponude. Original i kopija ponude se pakuju u odvojene koverta, te zajedno stavljaju u zajedničku kovertu"; i

- ponuda sadrži kopiju Potvrde banke kod koje ponuđač ima otvoren transakcijski račun za poslovanje da račun nije blokiran u posljednjih 6 (šest) mjeseci (Potvrda NLB Banka broj:103008-85/20 od 19.02.2020.godine) a tačkom 13.2.2. tenderske dokumentacije propisano je da u svrhu dokazivanja uslova iz člana 47. Zakona o javnim nabavkama ponuđač je dužan uz ponudu dostaviti: - običnu kopiju Potvrde banke kod koje ponuđač ima otvoren GLAVNI RAČUN za poslovanje (na potvrdi naznačiti da se radi o glavnom računu za poslovanje), da račun nije blokiran u posljednjih 3 (tri) mjeseca. Iz dostavljene potvrde uz tendersku dokumentaciju nije vidljivo da li se radi o Glavnom računu za poslovanje.

Ponuda ponuđača BETON-KOP Odžak je u skladu sa članom 68. Zakona o javnim nabavkama Bosne i Hercegovine ("Službeni glasnik BiH", broj: 39/14) odbačena, kako je navedeno u tački 4. dispozitiva ove Odluke.

Shodno navedenom, Komisija za javnu nabavku je prema utvrđenom kriteriju "najniža cijena ekonomski prihvatljive ponude" preporučila Općinskom Načelniku, općine Tešanj (Zapisnik o pregledu i ocjeni ponuda broj:08-11-3-304-11/20 od 13.03.2020.godine), da se u predmetu javne nabavke radova "Održavanje i sanacija priključaka, propusta i putnih kanala", donese Odluka o izboru najpovoljnijeg ponuđača i da se kao najbolje ocijenjena prihvatljiva ponuda za radove određuje ponuda ponuđača GEO PUT doo Maglaj, odnosno kako je to navedeno u tački I ove Odluke, te da se sa istim zaključi ugovor u skladu sa ponudom navedenog ponuđača za radove predmetne nabavke.

Uzimajući u obzir sve navedeno, a primjenom člana 64. stav 1. tačka b) Zakona o javnim nabavkama Bosne i Hercegovine ("Službeni glasnik BiH", broj: 39/14) kao najpovoljnija izabrana je ponuda ponuđača GEO PUT doo Maglaj, po cijeni od 61.980,00 KM bez PDV-a (slovima:šestdesetjednehiljadedevetstotinaosamdeset i 00/100 konvertibilnih maraka), odnosno sa



PDV-om u iznosu od 72.516,60KM (slovima: sedamdesetdvijehiljadepetstotinašesnaest i 60/100 konvertibilnih maraka).

**Pouka o pravnom lijeku:** Žalba na Odluku o izboru najpovoljnijeg ponuđača izjavljuje se URŽ-u putem ugovornog organa u roku od 10 dana od dana prijema Odluke, na način propisan Zakonom o javnim nabavkama Bosne i Hercegovine (Sl.glasnik BiH broj:39/14).

**DOSTAVLJENO:**

1. Ponuđačima x4,
2. Služba za finansije, privredu, komunalne i inspeksijske poslove,
3. Web stranica općine Tešanj, elektronski,
4. Predmet.

*Suad Huskić*



*Suad Huskić*  
**OPĆINSKI NAČELNIK**

**Mr.sci. Suad Huskić**

